

Oi emu vouti be inai bamona do idia duahia



Alice Purple



Boki Red



Isaiah Green



Susan Yellow




David Pink




Steven Blue


Inai piksa dekenai taunimanima tauratoi o 6 oi itadia be hegeregere ita eda Kandidets. Bema inai Kandidet ta vouti ena hutuma idia boiboi 'Absolute Majoriti' o vouti ena hutuma 50% + 1 ia abia neganai, ai be kwalimu ahuna do ia abia. Hegeregere bema vouti ena hutuma be 1,000 baloti pepa neganai, Kandidet daika vouti ena hutuma 500 mai ena kahana ia abia neganai, ia be ia wini.




Guna baloti pepa dekenai namba 1 vouti idia torea gaudia o vouti taudia ease Namba 1 idia torea gaudia be Kandidet tata edia box (maua) dekenai do idia atoa. Gabe dekena, Kandidet tata Namba 1 vouti hida abia gauna do idia duahia.



Inai First Preferens o Namba 1 vouti duahia ore murina, bema Kandidet ta vouti Namba 1 ena hutuma idia boiboi 'Absolute Majoriti' o 50% + 1 ia abia neganai, ia be kwalimu ahuna do ia abia.



To bema, Kandidet ta 'Absolute Majoriti' o 50% + 1 vouti ia abia lasi inai First Preferens o Namba 1 vouti idia duahia neganai, Kandidet daika be ena vouti ia momo lasi tauna be do idia kokiaoho. Inai Kandidet kokiaoho be idia boiboi Exklusin Proses' (Exclusion Process). Vadaeni, ia ena vouti o baloti pepa be do idia haria karaia Kandidet daika be inai abiahidi helulu dekenai idia heau noho dekenai do idia henia. Inai vouti haria dala be inai bamona. Guna ita hereva hegeregere, oi emu Seken Preferens o Namba 2 vouti dannu do idia itaia. Vadaeni, Kandidet to ena bogisi (box) dekenai bema Namba 2 ia hetore neganai, inai baloti pepa be do inai Kandidet do idia henia. Vadaeni, vouti ibounai idia haboudia lou bona idia itaia. Bema Kandidet to ena vouti ibounai inai "Absolute Majoriti" o 50% + 1 ia abia neganai, ia be kwalimu ahuna do ia abia.



Inai Preferens haria dala be do ia heau noho bema Kandidet ta 'Absolute Majority' o vouti ena hutuma 50% + 1 ia abia lasi neganai. To bema Preferens 1, 2 bona 3 duahia lalonai bema Kandidet vouti ena hutuma 50% + 1 ia abia, neganai, duahiduahi gaunkara be iniseni do ia ore. Steven Blue be ia kwaliu, badina 505 vouti ena hutuma ia abia.